

1130
28.02.'13



REPUBLIKA E SHQIPËRISË
Këshilli i Ministrave

V E N D I M

Nr. 135, datë 20.2.2013

PËR

**LEJIMIN E MINISTRISË SË SHËNDETËSISË PËR KRYERJEN
E PROCEDURAVE TË PROKURIMIT PUBLIK, NË EMËR DHE PËR
LLOGARI TË INSTITUCIONEVE TË VARËSISË, PËR DISA MALLRA
E SHËRBIME**

Në mbështetje të nenit 100 të Kushtetutës dhe të pikës 3, të nenit 11, të ligjit nr.9643, datë 20.11.2006, "Për prokurimin publik", të ndryshuar, me propozimin e ministrit të Shëndetësisë, Këshilli i Ministrave

V E N D O S I:

1. Lejimin e Ministrisë së Shëndetësisë, si organ qendror blerës, për kryerjen e procedurave të prokurimit, në emër dhe për llogari të spitaleve publike në varësi të saj, për blerjen e medikamenteve dhe materialeve mjekësore.
2. Ministria e Shëndetësisë të prokurojë fondin limit, të llogaritur si shumë e fondeve buxhetore, të miratuar për çdo spital, për secilin nga artikujt.
3. Autoritetet kontraktore, institucionet e përmendura në pikën 1, të këtij vendimi, brenda muajit shkurt, të dërgojnë në Ministrinë e Shëndetësisë, si organi qendror blerës, të dhënat, teknike e sasiore, dhe fondin përkatës, për çdo artikull që prokurohet.
4. Organi qendror blerës ka këto detyra dhe përgjegjësi:
 - a) Të zhvillojë procedurat për prokurimin e përqendruar të medikamenteve dhe materialeve mjekësore, për nevojat spitalore, përfshirë procedurat e prokurimit me negociim pa shpallje paraprake të njoftimit.
 - b) Të bashkërendojë punën me autoritetet kontraktore për mbledhjen dhe përpunimin e të dhënavëve për prokurimet publike, që do të zhvillojë si organ qendror blerës;
 - c) Të verifikojë përputhshmërinë e kërkesave të dërguara nga

- autoritetet kontraktore me ligjin dhe standardet në fuqi;
- c) Të shqyrtojë dhe të miratojë specifikimet teknike, të dërguara nga autoritetet kontraktore.
- Nëse gjykohet se specifikimet teknike nuk janë përgatitur në përputhje me ligjin për prokurimet publike ose mund të shkaktojnë dështim të procedurës së prokurimit, organi qendror blerës kryen rishikimin e specifikimeve teknike, në bashkëpunim me specialistët e fushave, të institucioneve përgjegjëse ose specialistë të jashtëm, vendas a të huaj. Në këto raste, organi qendror blerës vë në dijeni autoritetet kontraktore për ndryshimet e bëra.
- d) Të unifikojë specifikimet teknike për mallra dhe shërbime të të njëjtit lloj, në përputhje me standardet e miratuara, në bashkëpunim me specialistët e fushave të institucioneve përgjegjëse ose specialistë të jashtëm, vendas a të huaj. Në këto raste, organi qendror blerës vë në dijeni autoritetet kontraktore për ndryshimet e bëra.
- dh) Të bashkërendojë punën për testimin e tregut për përllogaritjet e të dhënavë sasiore për mallrat, që do të prokurohen, para publikimit të tenderit. Në këto raste, organi qendror blerës vë në dijeni autoritetet kontraktore për ndryshimet e bëra.
5. Organ i qendror blerës, në rast se autoritetet kontraktore kanë kërkesa, pasi është bërë publikimi i njoftimit të kontratës së prokurimit, verifikon arsyet e vonesës dhe vendos për shpalljen ose jo të procedurës së re të prokurimit për këto kërkesa.
6. Ngarkohet Agjencia e Prokurimit Publik të udhëzojë autoritetet kontraktore për zbatimin e këtij vendimi.
7. Ngarkohen Ministria e Shëndetësisë dhe institucionet e përmendura në pikën 1, të këtij vendimi, për zbatimin e vendimit.

Ky vendim hyn në fuqi menjëherë dhe botohet në "Fletoren zyrtare".

K R Y E M I N I S T R I

SALI BERISHA

MINISTRI I SHËNDETËSISË

VANGJEL TAVO



NR.PROT.576/1
DATË 27.2.2013

MINISTRISË SË SHËNDETËSISË
MINISTRISË SË FINANCAVE
MINISTRISË SË DREJTËSISË
AGJENCISË SË PROKURIMIT PUBLIK
QENDRËS SË PUBLIKIMEVE ZYRTARE



12.02.2013
Të dhënat e marrin rreth
procesit që ka qenë

(Përmes datyrave të përgjegjës)

1. Të dhënat e marrin rreth
procesit që ka qenë
dërguar nga organi
që ka qenë
zbuluar si organ
që ka qenë
verifikuar